



Broj: 02-01- 1055 /2018
Sarajevo, 06.08.2018. godine

Na osnovu člana 64. stav (1). tačka b), člana 25. i 70. stavovi (1), (2), (3) i (6), Zakona o javnim nabavkama („Sl.glasnik BiH“, broj 39/14), člana 8. stav 2. tačka d) Pravilnika o uspostavljanju i radu Komisije za nabavke („Sl.glasnik BiH“, broj 103/14), i člana 6. tačka c) i f) Poslovnika o radu komisije za nabavke Kantonalnog stambenog fonda, člana 16. Statuta Kantonalnog stambenog fonda Sarajevo i na Preporuku Komisije za nabavku Kantonalnog stambenog fonda Sarajevo (u daljnjem tekstu Komisija za nabavku) broj: 02-SI/2018 od 24.07.2018. godine, u postupku javne nabavke – nabavka radova na povećanju energetske efikasnosti u stambenim zgradama na području Kantona Sarajevo u 2018. godini u ulici Nerkeza Smailagića br. 17., direktor Kantonalnog stambenog fonda Sarajevo, kao Ugovornog organa, donio je

ODLUKU o izboru najpovoljnijeg ponuđača

Član 1.

Prihvata se preporuka Komisije za nabavku, broj: 02-SI/2018 od 24.07.2018. godine i ugovor za javnu nabavku - nabavka radova na povećanju energetske efikasnosti u stambenim zgradama na području Kantona Sarajevo u 2018. godini u ulici Nerkeza Smailagića br. 17., dodjeljuje se grupi ponuđača - lider konzorcija „KONKRIT“ d.o.o. Sarajevo, član „MTH-ARI“ d.o.o. Sarajevo i član „JEZERO PLAST“ d.o.o. Zvornik, ponuda br. 94-07/18, dostavljena dana 16.07.2018. godine, za ponuđenu cijenu u iznosu od 349.090,80 KM (bez PDV-a) kao najpovoljnijem ponuđaču nakon završetka e-aukcije.

Član 2.

Izabrani ponuđač je dužan da u roku od 7 (sedam) dana od dana dostavljanja ove Odluke dostavi originale ili ovjerene kopije dokumentacije iz članova 45., 47. i 51. Zakona o javnim nabavkama, koje su navedene u tačkama 11. i 12. tenderske dokumentacije br. 9/18, kao i original ili ovjerenu kopiju Potvrde o BH porijeklu izdatu od Vanjskotrgovinske komore BiH u skladu s tačkom 34. tenderske dokumentacije br. 9/18.

Ukoliko izabrani ponuđač ne dostavi traženu dokumentaciju iz stava 1. ovog člana, u određenom roku, ili je dostavi na nepropisan i nepotpun način, ugovor za javnu nabavku dodjeliti će se drugorangiranom ponuđaču u skladu sa članom 72. stav 3. Zakona o javnim nabavkama.

Član 3.

Prijedlog Ugovora o nabavci dostavit će se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Za izvršenje ove Odluke zadužuje se i ovlašćuje Odjel za tehničke poslove.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.





Obrazloženje

Odlukom direktora Kantonalnog stambenog fonda Sarajevo broj: 02-779/2018 od 17.05.2018. godine pokrenut je postupak javne nabavke - nabavka radova na povećanju energetske efikasnosti u stambenim zgradama na području Kantona Sarajevo u 2018. godini u ulici Nerkeza Smilagića br. 17.

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je 414.000,00KM.

Obavještenje o nabavci broj: 882-1-3-12-3-4/18 objavljeno je na portalu Agencije za javne nabavke dana 31.05.2018. godine.

Komisija za nabavku imenovana je Odlukom broj 02-01-949/2018 od 29.06.2018. godine.

Komisija za nabavku dostavila je direktoru Zapisnik o pregledu i ocjeni ponuda broj: 02-SI/2018 od 24.07.2018. godine, Preporuku o izboru najpovoljnijeg ponuđača broj: 02-SI-/2018 od 24.07.2018. godine i Izvještaj o radu broj: 02-SI-/2018 od 24.07.2018. godine, u postupku javne nabavke - nabavka radova na povećanju energetske efikasnosti u stambenim zgradama na području Kantona Sarajevo u 2018. godini u ulici Nerkeza Smilagića br. 17.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- sa portala Agencije za javne nabavke, tendersku dokumentaciju je preuzelo 26 (dvadesetšest) ponuđača;
- u određenom roku za dostavljanje ponuda na protokol Ugovornog organa zaprimljene su 3 (tri) ponude i to:

Redni broj	Naziv i sjedište ponuđača
1.	„DŽEKOS“ d.o.o. Sarajevo, Ismeta Alajbegovića Šerbe br. 16, Sarajevo
2.	„BAHEN-GRADNJA“ d.o.o. Sarajevo, Senada Poturka Senčija br. 131, Sarajevo
3.	KONZORCIJ Lider - „KONKRIT“ d.o.o. Sarajevo, Marka Marulića br.2 Sarajevo član - „MTH-ARI“ d.o.o. Sarajevo, Ramiza Salčina br.318, Sarajevo i član - „JEZERO PLAST“ d.o.o. Zvornik, Ekonomija bb, Zvornik

- da nije bilo neblagovremeno primljenih ponuda;
- da ponude ponuđača: „DŽEKOS“ d.o.o. Sarajevo, „BAHEN-GRADNJA“ d.o.o. Sarajevo i Konzorcij: „KONKRIT“ d.o.o. Sarajevo, „MTH-ARI“ d.o.o. Sarajevo i „JEZERO PLAST“ d.o.o. Zvornik ispunjavaju sve zahtjeve u pogledu opisa predmeta nabavke i tehničkih specifikacija.
- da je ponuđač pod rednim brojem 3, odnosno lider Konzorcija – „KONKRIT“ d.o.o. Sarajevo je nakon prijema Zapisnika o otvaranju ponuda dostavio Zahtjev za obrazloženje neprirodno niske cijene (protokol broj 02-1012/2018, od 17.07.2018.godine) ponuđača pod rednim brojem 2 – „BAHEN GRADNJA“ d.o.o. Sarajevo. Ugovorni organ je dostavio Odgovor (protokol broj 02-1012-2/2018. od 18.07.2018.godine) sa obrazloženjem u kojem se navodi da usljed primjene preferencijalnog tretmana domaćeg razlika između prvorangirane i drugorangirane ponude iznosi manje od 20% tako da ne postoje pravne pretpostavke za traženje obrazloženja neprirodno niske cijene.





- da su ponuđači pod rednim brojem 1 i rednim brojem 3 u svojim ponudama istakli primjenu preferencijalnog tretmana domaćeg u skladu sa Zakonom, te je prilikom obračuna cijena iz ponuda u svrhu upoređenja ponuda cijena njihovih ponuda umanjena za preferencijalni faktor u iznosu od deset posto (10%);
- da je nakon inicijalnog pregleda ponuda i ocjene Komisije za nabavku da sve tri pristigle ponude ispunjavaju zahtjeve u pogledu opisa predmeta nabavke i tehničke specifikacije zakazana e-aukcija dana 20.07.2018. godine. u 11:30 časova;
- da je na e-aukciji održanoj 20.07.2018.godine, u periodu od 11:30 do 11:47 časova, ponuđač Konzorcij - lider „KONKRIT“ d.o.o. Sarajevo podnio je novu najpovoljniju ponudu sa cijenom 349.090,80 KM bez PDV-a, a koja je ocijenjena kao najpovoljnija u skladu sa uslovima datim u tenderskoj dokumentaciji;
- da je pregled i ocjena ponuda okončana 24.07.2017. godine u 14:00 časova.

U postupku donošenja ove Odluke, posebno su ocijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača, te pregled i ocjenu ponuda, u skladu sa kriterijima iz tenderske dokumentacije.

U postupku ocjene provedenog postupka, direktor nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač, nakon provedene e-aukcije, najbolje ocijenjen zbog najniže cijene, kako slijedi:

1.	Naziv ponuđača	KONZORCIJ Lider - "KONKRIT" d.o.o. Sarajevo, član - "MTH-ARI" d.o.o. Sarajevo i član - "JEZERO PLAST" d.o.o. Zvornik
2.	Sjedište i adresa	Marka Marulića br.2 , Sarajevo
3.	ID broj	4200543790005
4.	Ukupna cijena ponude bez PDV-a (KM)	349.090,80
5.	Garantni period za radove	2 godine
6.	Rok izvođenja radova	100 kalendarskih dana
7.	Podaci o dijelu ugovora koji se daju u podugovor i podaci o podizvođaču, ako je primjenjivo	Ponuđač ne namjerava sklapati podugovor sa trećom stranom

Iz navedenih razloga, primjenom člana 64. stav (1). tačka b) Zakona o javnim nabavkama, člana 25, člana 70. stavovi (1), (2) i (3) Zakona o javnim nabavkama („Sl.glasnik BiH“, broj 39/14), člana 8. stav 2. tačka f) Pravilnika o uspostavljanju i radu Komisije za nabavke („Sl.glasnik BiH“, broj 103/14) i člana 6. tačka f) Poslovnika o radu komisije za nabavke Kantonalnog stambenog fonda Sarajevo, odlučeno je kao u članu 1. ove Odluke.





POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu Hiseta 13A, Kantonalni stambeni fond Sarajevo.

Žalba se podnosi u najmanje 3 (tri) primjerka.

Dostaviti:

- Konzorcij: Lider - "KONKRIT" d.o.o. Sarajevo, Marka Marulića br.2 Sarajevo (za članove)
- "BAHEN-GRADNJA" d.o.o. Sarajevo, Senada Poturka Senčija br. 131, Sarajevo
- "DŽEKOS" d.o.o. Sarajevo, Ismeta Alajbegovića Serbe br. 16, Sarajevo
- Odjel za tehničke poslove
- Odjel za pravne i ekonomske poslove
- a/a



dr.sc. Adnan Efendić

RA 084062024 BA
RA 084072021 BA
RA 084082029 BA

06.08.2018.

